

甌北集

歐北集

甌北集卷二十四

起丁酉冬
至戊戌

陽湖趙翼雲松

哭黃月山

聖廬方居憂復驚喪者者里社數交游惟翁誼最舊曩
與先子交及見余童幼迨余致政歸翁面繞稍皴閱世
恒河沙始知黃髮壽步履肯來過不策孤筇瘦剪韭話
深夜一燈耿如豆喜翁精力強險韻尙能鬪何期奄忽
間天遽奪之驟
士之困不遇未有若此翁讀書七十年苦如食蓼蟲搖
筆爲詩文煅煉期必工出無千金幣居無一畝宮弱冠
早授徒生計落此中一日罷館穀便愁粥不供晚更雙

耳曠難復求童蒙所誰餽閔貢鄉莫置鄭公何哉天才
之面獨遺之窮所以酒闌語時見氣吐虹

陶公居柴桑丁劉數往還昌黎在潮州論交及大顛由
來索居苦足音喜跼然伊余歸江村誰與談詩篇皤皤
有此老時復踰陌阡遊我紅藕池醉我藥玉船似天哀
我窮使翁相周旋忽焉晨星落不留一个圓停雲望八
表隻影涕暗漣

翁有詩數冊欲刻苦無資期我刻集日并爲料理之酒
間已心許力乏仍需時遂令翁生前不及卷帙披閱翁
歿猶視母乃意在斯斯事吾諾責幽明當弗欺所悲不
朽事悠然未有期翁詩恐不傳欲附吾集垂吾集傳不

傳亦尙未可知安得歐陽公來序宛陵詩

讀書苦忘以詩自歎

東坡壯歲在貢院晝與同官恣喧讀暮燃寸燭閱卷多
一覽輒了數百幅晚年北歸過贑州對客頽然亦以
晦翁少與伯恭學有多日星夜受跡研磨到曉益神
伯恭既醒大歎服後來此物竟辭去每夕亦須脇席宿
由來老境潛逼人恰如惡客來不速伊余自昔愛篇籍
常恨無資積滿篋幾誤南華作僻書偶得論衡矜秘牘
仕宦歸來力稍餘揀架新收三萬軸嚴課猶思限等身
健忘已歎虛過目分明何處似相見一斷機絲渺難續
剪紙漫費巫陽招升屋空期臯某復乃知茲事亦闕命

貧慕膏粱富厭肉昔時能讀苦無書今日有書苦難讀
整妮牙籤奈老何光陰漸少書正多君謨愛茗不能飲
但瀹香泉玩綠波

與徐肇璜

曉晚相依各二毛何期遽隔酒爐遙一腔熱肯逢人灑
兩耳聾常怕客嘲野鷺書成名自負河魚腹痛疾難消
君以腹疾卒那禁腸斷雲溪渡步履頻過話寂寥

卧病仍聞志未灰料量門戶剪蒿萊埋文預乞傳人筆
昔酒猶溫宴客杯

今春嘗爲余作生誌
臨歿前四日猶饒客

白鶴化憐君不返青蠅

吊與我同來從今舊雨存還幾老淚滂毫賦八哀

戊戌春日

北堂夢杳痛難追春露驚心又一悲從此遂無爲子日
初心長負去官時絳跡忍讀循陔句墨食猶遲負土期
苦塊餘生感中夜淒風颯颯總帷披

汪時齋民部奉太夫人喪歸里道經常州相見道
故兼以文端師遺集囑余編訂付梓卽事感懷
泣然有作

十載驚相見停舟古驛旁麻衣俱似雪蓬髻各成霜曉
闌尙書履宵燈弟子牀前塵重撥觸洒淚滿河梁
歸田吾奉母辭郡汝娛親

時齋曾兩過郡守
皆以親老辭罷

共此循陔願俱

悲削杖身瀧岡阡未表防墓殯空陳家運眞同厄人閒
兩鮮民

屈指論交舊真逾骨肉情十年同筆研兩世互師生

余誦

文端公門時覺兄弟又從余受業

書館依劉跡詩壇說項名重逢歐叔弼能不

話深更

吾師遺集在今喜付雕鐫牛耳盟原長雞林價久懸雅
裁詞館式割愛靜臣權無可酬恩處憑茲慰九泉

編校文端師集感賦

悵別音容二十年今朝重幸讀遺編感深難忘三條燭
才大曾推萬斛泉我欲往從瞻在後人思得覩快爭先
寒燈攤卷閒相對還似摳衣絳帳前

久推勲德冠班行餘事仍看各擅場真草淵源王內史
文章臺閣李東陽獨扛健筆探孤詣不立專門禮衆長

藝苑他年論古學醉翁門是一津梁

年時曾爲輯鴻裁侍坐頻叨勸舉杯後世誰知定文者

老夫合讓出頭來

公在只余曾編輯文稿公頗年可一語皆謂間戲笑之詞也

笑言未遠公如在

獲落無成我不才今日總歸存歿感淚和殘蠟瀉盈堆
忍辭校勘夜窻幽神理須從象外求與可畫先胸有竹
庖丁解在日無牛名將後輩添描畫味要門生議去留
他日九原相見處此心或可證千秋

鬻田

香山歷官十五政履道買宅兼林泉晚年居貧鬻駱馬
并擬斥賣洛下田坡公出守七大郡餘力僅足資南遷
儋州絕糧至食芋強名玉糝謗羹鮮况我作吏僅四載

國志卷之四
銖積能得幾俸錢初歸貧兒詎驟富求田問舍方喧闐
豈知腐儒拙生計日漸折閱將磬懸書券遂去一百畝
免被債家子母權村鄰竊笑溝澮水繞盈便酒非原泉
我木山中藜莧腹儻來富貴特偶然自我得之自我失
捫心亦復何憾焉

秋園預製飲具詩以調之

九十始日修聞諸小戴禮其絞衾矜冒猶必待旣死胡
爲君六十先料理及此家有黔婁妻身非若敖鬼豈聞
封遮須含笑治行李君言生有涯期至須蛻委未邋求
時夜終勝渴掘水草哉所見高勘透夢泡理慧業示飾
巾俗緣喻脫屣笑彼夜行人漏盡不知止

昔有司空生生前自作壙春秋有佳日邀客識其上千古稱達人超然齊得喪君豈慕其風因之寄遐尚吾聞東坡語劉伶猶未曠忘死未忘骸仍餘一重障區區一把骨豈愁乏安放必欲什襲藏含襚預摒擋此意毋亦癡不殊石槨葬

自我歸田來抽帆幸到岸君已卧林下家事悉禁斷相顧蹶然笑兩個都散漢從此蛩蛭交踪跡不可判遊爲同隊魚飛作一繩雁忽然君戒行母乃太荒幻無病何必叩當饗豈須歎吾尙貪吾生期君作老伴君勿遽爲此使我驚背汗

衰年惡聞死祝延亦恒情君獨無忌諱歛具手自營譬

如行脚僧晨起打包輕掉頭忽欲去飄然可退征又如
強項吏日日辨嚴程搏擊倘不勝便作掛冠行閭羅顧
面駭乃有此狂生不受腐鼠嚇其鋒殆難撓笑謂鬼判
官二毛且勿擒此信物一角將挫吾威名不如姑舍是
聽其老成精

肇璜歿後其子以君手植杜鵑一本見貽感賦

一枝躑躅贈留遺老瓦盆經手澤滋曾記賞花徵勝友
忽如開閣散歌姬到應推愛同烏鳥名易傷心比子規
贏得故人思舊淚與他一色染胭脂

齒痛

少讀昌黎詩笑渠作牛飼我時齒力堅足供老饕恣雕

輪編貝工幾可嚼鐵碎連砂爛脫粟帶骨決大敵舞陽
生羶肩直欲一齧試豈期近年來微罇生櫛比每飯費
剔搔疑有蟹奴寄忽復浮陽蒸旋起腫肉膩一團無根
火熏灼滿口熾含痛魚銜鉤負傷虎帶刺舖糜但軟飽
就枕鮮美睡經旬委頓餘一个忽委地翻因剝膚灾快
此倣屢棄其餘皆動搖告别將以次曾聞袁子才留齒
善持議謂齒在其身差不負位置笑或粲然露食必肥
者致不如輔車依勿遽悻悻避我欲援例請齒也早自
計自物甫入口惟齒職勞動及夫得味時又屬唇舌事
我則任其勤彼則收其利譬如老邊將轉戰心力瘁安
坐享太平廟堂有高位斯理誰能平固難禁其懟姑弗

誘甘言且與講大義附我數十年亦有賓主誼懼汝剛
則折啟口每加意梭恐隣女投弗敢與之戲拳恐武夫
毆未嘗觸其忌挂齟既謹言穿齟亦表志非象曷賄焚
非鼠豈訟累拾有牙慧誇寒未屑亡至相處尙不惡中
路忍乖異辟穀既乏方覓乳又滋費坐視飯顛瘦寧弗
少留憇齒也始輒然君言甚情摯已落難復存極之慮
仍墜吾將再生兒供君養頤嗜

同年平姚海別已十六七年忽接手書知在平江
掌教兼招余姑蘇之遊先以詩答

一封書慰廿年思知在吳門絳帳披勝地遂開鹿洞學
名流例有虎邱詩十科回數稀同輩四海難忘只故知

歷歷前塵重觸緒寄園燈火夜深時

官程曾共粵江邊遲早偏慳一晤緣天禁舊交爲屬吏

君辭前輩講同年

余與君同庚午鄉試君以甲戌館選前余三科例稱前輩君官粵時曾攝廣州之東莞縣及余守廣州君

已謝事歸矣

老思見面因垂白事最關心是草元百里郵程欣

不遠刺篙擬泛葦間船

使相李公屢書垂問敬賦三律寄呈

屢頒芳訊到蒿廬遠自滇雲萬里餘此意益增知己感
當年况忝薦賢書籌邊共仰猷方壯健飯遙知髡未疎
獨愧未酬期望切不才身已混樵漁

廿年嶺嶠浹恩膏又見滇南駐節旌將相官兼韓魏國
華夷地控蜀章臯鐵橋有路蠻輸賁銅鼓無聲盜賣刀

半壁西南資坐鎮紀功應勒點蒼高

南戒山河隻手擎身兼德望與威名遇疑能斷惟如晦
爲治從嚴本孔明閱歷已深逾近道丰裁雖峻自多情
却憐滇徼曾遊地不及追隨聽履聲

送邑侯蕭懷圃去任

五載琴堂俗漸移一尊何意遽歌驪催科不擾恩斯寓
在任無名去有思笠繖就途稀長物蓬萊觀海計歸期
君家登州之福山臨分不盡攀轅意聊紀循良代口碑

刪改舊詩作

食筍愛其嫩食蔗愛其老愛嫩則棄根愛老則棄杪非
人情不常物固難兩好何況詩文境所歷有遲早少時

擅藻麗疵類苦不少老去漸剷除又覺才艷稿安得美
並存病處又俱掃晚作蔗根肥少作筍尖小

少日所得意老去覽舛陋奮筆擬刪之謂今學始就焉
知今得意不又他日次詩文無盡境新者輒成舊漫勒
鐵函藏行復醬醃覆笑同古煉師燒丹窮昏晝一火又
一火層層去粗垢及夫燒將成所存僅如豆未知此豆
許果否得長壽

閒居讀書作

閉門謝時人日與古人戰戰退一輩輩自詫力未倦突
然逢大敵長槍大羽箭不覺豎降旗焉敢張空拳古來
傳世人出手爆雷電譬如關張流神勇本獨擅吾曹才